

الله عليكى يا مصر

تأليف

سارة محمد محمد الجمل

بطاقة فهرسة

حقوق الطبع محفوظة

مكتبة جزيرة الورد
اسم الكتاب: الله عليكي يا مصر
تأليف: سارة محمد محمد الجمل
رقم الإيداع:
الترقيم الدولي:

الطبعة الأولى ٢٠١٧



القاهرة: ٤ ميدان حلیم - خلف بنك فيصل
شارع ٢٦ يوليو - من ميدان الأوبرا
٢٧٨٧٧٥٧٤ - ٠١٠٠٠٠٠٤٠٤٦
Tokoboko_5@yahoo.com

مقدمة

الديوان الأول للشاعرة التلقائية ساره الجمل.
غردت ساره فى ديوانها للوطن ودق قلبها مع أفراحه وأتراحه.
عبرت كلماتها عن شخصيتها التى تتسم بالتلقائية والبساطه والنبيل..
لها قلب طاهر لم يتلوث يوما بكراهيه أو حقد أو غل لكنه كان
فسيحا لحب وطنها وأسرتها وكل من تعرفه فعاشت سلاما داخليا
يحسدها عليه الكثيرون.
الديوان نقطه الانطلاق لشاعره قدمت من عمق الريف المصرى
مغردة لكل قيمة نبيله.
وأثق أنه سيكون لها شأن كبير فى عالم الشعر والإبداع.

الكاتب الصحفى

حازم نصر

نائب رئيس تحرير الأخبار

بيحسوني يا بلدي

بيحسوني يا بلدي إن إنتي طبق فاكهة من الجنه
مين هيجري الأول يخده
علشان يكله ويسرق مجده
حبييتي يا بلدي محدش حاسس بيكي خالص
لما كان الإنجليز فيكي يا بلدي
وقتلوا ولدك وولدي
كانوا كاتمين علي نفسك ونفسي
وانتصرنا وخرجوا من بلدنا خالص
دالوقتي بناكل في بعض
الحكاية غريبة خالص
النفاق والكذب زاد
لحد ما اتخنقت خالص
ليه بس بتغلط في بلدك
ياللي ملكش خير في مصر
مش هيبقه ليك
خير في حد خالص

أجمل حروف الكلام

أجمل حروف الكلام

ميم - صاد - راء

مصر

يا ريس مشوارنا معاك

أجمل حروف الكلام

ميم - صاد - راء

مصر

جيش وشرطة وشعب معاك

يلا يا ريس

صلي وصوم

وادعي المولي

كل يوم

ينصرنا علي العدو

وينجيننا من الهموم

السادات في بيت الحق

حب شعبه ولا لأ
قال لمراته أنا وسط ولادي
وبرضه مات برصاصة غدر
حب بلدنا أد إيه
وإحنا ليه مخفناش عليه
عبدالناصر يا جمال
ديما ليك شعبية تمام
دانته علامة للرجال
يا جمال يا همام
كلنا قلنا إحنا عايزين
خير بلدنا يبقى كتير
طب قولوا هيكترا إزاي
وإحنا بنغلط في الحكام
وبنغلط في الجيش والشرطة
وهمه دول لينا العنوان
خلي عندك انتماء
حب بلدك بالولاء

حب بلدك
فيها تعيش
او عوا تنسوا يا مصريين
إن مصر ليها حق
إن إحنا نخاف عليها
ونحميها ومنقولش لأ
حب يا مصري بلدك حب
واوعه تغلط فيها بالكذب
كل ريس حب مصر
ليه بنغلط فيهم بس
ليه نغلط في تاريخ بلدنا
فوق يا مصري عشان مصر

الله عليكى يا مصر

الله عليكى يا مصر
الله حافظك يا مصر
قولي مين أدِّي حبك
مين بتمنالک النصر
بدمع عيني بكتب
بدمي أيوه بكتب
برسم لوحة جميلةة
فيها اسمك يا مصر
انتي البنت الجميلةة
حياءها زاد وغطي
انتي الزهرة البيضاء
بنورها بقوم أتوضي
بصلي أركع واسجد
وادعي المولي باسمك
بدعيلك صاحي ونايم

يعمي عين الأعادي
تفضلي منصوره ديما
منصورة عالاعادي
الله الله معاكي
يحميكي وهير عاكي
بيدل كربك نصره
بيدل دمك فرحة
والدم اللي سال فيكي
يصبر أهل الشهدا
تعاللي يا مصر بسرعة
بصيلي من البلكونه
يا بنت جميلة يا حلوة
إيدي في إيدك في الصورة
أنا ليكي وإنتي ليا
مفيش غريب في الصورة
الصورة بش عشنا
تذكار نسيه لولدنا
يفتخروا بيا وبيكي
الله يا مصر عليكلي

في العصرية

في العصرية مسكت ورقة وقلم
وكتبت اللي حصل ليا
أنا مصري وأبويا مصري
ومصر هيه أم الدنيا
اللي يهينك الله يهينه
وأشوف بعنيا
واللي يحبك الله يحبه
منتي غالية
واللي يفكر يوم يذلك
الله يذله أدام كل الدنيا
بيغيروا منك بيغيروا منك
منتي وردة وسط شوك
عايزين يخدوكي متخفيشى
أنا جندي في جيشك

حامى أرضك
عشان تعيشي
طول عمرك غالية وراسك عالية
طول عمرك غالية
وراسك عالية متنحنشى
يا مصر يا أمي وأم الدنيا
يا مصر يا أمي وأم الدنيا مترعلشى
يايد ولادك يايد شبابك
يايد ولادك يايد شبابك بمسح دمك
دمك غالي مش بالساهل
دمك غالي مش بالساهل ينزل منك
فيكي جيش وشرطة وشعب
فيكي جيش وشرطة وشعب إيد واحدة
مش بالساهل مش بالساهل حد يعمل بنا فتنة
الله حاميكى الله حاميكى
الله ذاكرك فى القرآن
فيكي مساجد فيكي إمام

فيكي مساجد فيكي إمام أذن أذان
فيكي طبيب فيكي مهندس
فيكي طبيب فيكي مهندس والطيار
فيكي العامل والفلاح
فيكي العامل والفلاح والأبطال
فيكي مدارس فيكي مصانع
فيكي مدارس فيكي مصانع فيكي عمار
فيكي شهيد فيكي شهيد
كاتب اسمه علي الجدران
أم الشهيد يا صبرة يا غالية
أم الشهيد يا صبرة يا غالية جايلك نهار

مصر يا بلد الطيبين

مصر يا بلد الطيبين
قولي للأندال
إللي لسانهم طال عليكي
جالهم يوم حساب
هنواجهم وش بوش
وهنبداً العتاب
إزاي يطاولوا علينا
وإحنا بلد الأمجاد
يا بلدي عليكي بسلم
ليكي ألف سلام
من ونا طفل وبغنيك
وبقول فيكي موال
وأما كبرت وبقيت راجل
بحميكي من الأندال

شاييل سلاحي وواقف صاحي
وبأمن المكان
يا بلدي يا أمانة في إيدي
حالف إنني أحميكي
من إيد المحتل الخاين
أنا بحافظ عليك
والخاين ملوش مكان
أبدًا يا بلدي فيكي
اللي يحبك يخاف عليك
ويحاول يحميكي
واللي يفكر يوم يقرب
بايدي قبل إيديكي
هدافع بكل قوة
عشان أعلي فيكي
وإلي يحاول يوم يأذيكي
مش هيعيش فيكي
واللي يحافظ علي ترابك

بشعر فيه وفيكي
الله عليكى يا مصر يا حلوة
فى قلبى بخبيكى
برموشى بغطى وأسّمى
أيوه بخاف عليكى
فيكى بعيش أيام الشدة
لكن بدعى ليكى
مش علشان بتمري بمحنة
أقوم أغلط فيكى
اللى يا بلدى يغلط فيكى
ملوش خير فيكى
يا مصر يا أم الأوطان
رب الكون حاميكى
يا بلدى عليكى بسلم
وبالسلام همميكى
بالحب والإخلاص والود
خيرك هيبان عليكى

في ناس مناصب عالية
لكن ضمير مفيشى
بينهبوا في مال بلدنا
طب ليه متعرفوشى
خافوا من ربكم شوية
دا حرام مبينجيشى
وياخد الحلال معاه
وسعتها متلقيشى
عيشوا باللقمة الحلال
وقولوا لمصر الغالية عيشي

مصر يا أمي

مصر يا أمي يا أم الشعب
يا أم المصريين
الكل متربي في خيرك
وشارب مالنيل
واللي يقول كلمة غير دي
مشرش من النيل
واللي يحبك مخلص ليكي
بيقه مصري عظيم
يوم عيدك يوم نصرك
جوا في قلبي حنين
يوم ستة أكتوبر فرحة
لكل المصريين
الله عليكي يا مصر يا أمي
جوا في قلبي حنين

واللي يفكر يغدر بيكي
الله يمكر بيه
مكر الأعادي شيء عادي
ومكر الله عظيم
الله ذاكر في القرآن
وفيكي أعظم دين
فيكي دين نبينا محمد
خير المرسلين
يارب احفظ مصر أمي
والأطفال والشباب
وبحق القرآن المنزل
اجعلنا أحباب
واجعلنا ديما إيد واحدة
منصورة عالاعداء
ياما ظلموا فيكي
يا بلدي
وشفنا الاحتلال

وبوقفة ربنا وياكي
فيكي أو في شباب
بيضحوا يا بلدي عشانك
فيكي يا بلدي رجال
فيكي الإمام الشعراوي
والدكتور زويل
يا بلدي الله حاميكي
ومرفوعة بالدين
مرفوعة بجيشك وبشعبك
مرفوعة بالجيل
يا مصر قيمتك جوانا غاليه
يا أم المصريين

مصر الحبيبة

مصر الحبيبة دي حياتي
هيه الأمان هية الدنيا
الطيبة شفتها وياكي
ولا حد زيك في الدنيا
وكنا صغيرين وكبار
في ترابك نقول أشعار
بنحك يا أكبر حب
عشنا لك وكنت شعار
وخوفنا عليك دا دليلنا
نشيلك جوا في عيوننا
مين زينا يا بلدي بحبك
ومتمتع بخير نيلك
فيكي الإيمان مالي أرضك
وفيكي إمام ينورك

طريق النور ويهديكي
وكل الخير يوريكي
حبينا المصطفى الهادي
هوة الإمام هو النادي
وشيوخ عظام ياما وياما
وكان لهم فينا علامة
وفيه عالم وفيه دكتور
وفيه اللي ضميره نور
وفيه اللي يعيش الخير
ويدي لغيره لو محروم
وربنا ذاكرك بأمان
وشفنا إسمك في القرآن
يا مصر يا أم الدنيا
يا مصر يا أم الأوطان
وفيكي الخير بيرضيكي
يارب يزيد كمان وكمان
واملا قلوبنا بالرحمة
واملا قلوبنا بالإيمان

أجمل كلمة يا أمي

أجمل كلمة في الدنيا
أجمل كلمة يا أمي
لما بقولها يطول عمري
لما بقولها يا أمي
وأحس بفرحة ديما
وإنتي في حضني يا أمي
ضميني كمان وكمان
حضنك مليون أمان
حضنك مليون بالرحمة
حضنك مليون حنان
سهرانة ليلك تراعييني
ولما أزعل تراضييني
تبكي عنيني قبل عنيا
بجد انتي الدنيا

تجري لطبيبي تداوي
وتحسي ديما بيا
ولما تضحك عنكي
بجد افرح بيكي
كلك حنان وأمان
يا أمي فرحان بيكي
تعبتي ياما عشناً
بجد أصيلة يا أمي
حمل يا أمي وولادة
وتعب وألم زيادة
تودي يا أمي حضانة
تودي يا أمي مدارس
واتخرج مالجامعة
وانتي كلك سعادة
وتجري تخطيلي
وعروستي بتقيلي
وتقولي كلام جميل
في حقي وتشرفيني

وكبرتي وأنا هرعاكي
هتعب يا حبييتي معاكي
زي ما تعبتي عشاني
تعبك راحة يا ملاكي
ءأمري طلبك وياكي
وعليا ألبى نداكي
ءأمري وأنا أمرك ماشي
أنا هنا وياكي مش ماشي
يا أم عظيمة وغالية
بهديكي من البوتيكات
هدية مش من قيمتك
قيمتك مش جنيهات
قيمتك في رحمة منا
لما تقولي يا ولادي
تلاقينا علطول حوليكي
إدينا مسكة اديكي
ونقوللك بنوفيكي
صبرك علي فات

أمي الحبيبة

أمي الحبيبة مليش غيرها
أمي الحبيبة دي حياتي
هيه الحياة وهيه زماني
هيه الأمانى اللي بعيشها
يا أمي فرحتي في لقاكي
ووقت ما أبعد بتمني
إني أشوفك يا عيوني
وأعيش في حضنك وأتمني
كل اللي بحلم بيه أشوفك
ديمًا معايا في الدنيا
لو رحت مرة لأصحابي
وأزور وأشوف كل حبيبي
أقول في بالي بتعملي إيه
ياريت تكوني بتدعيلي

وأشوف دعاكي بيتحقق
وأسكن في حضنك يا عيوني
عمري في يوم ما أنسا حنانك
وأنسا مجيبك وعميلك
في وقت أفراحي تشاركي
وتطبطبي وتخدني في حضنك
يا أجمل حب بيكي بكون
يا أجمل وردة في الدنيا
ضحيتي وتعبتي عشاني
وعشتي ديمًا أحزاني
واطلب وألقيكي تليبي
ودا كله علشاني يا قلبي
يا رب أقدر أوفيك
وذي ما إديتي أديكي
ولونني مهما أعمل ليكي
عمري ما هقدر أوفيك
هحاول أدي كل الخير

هحاول أدې من قلبي
وأوفى في عمري كل الخير
ومهما تطلبني هديكي
ولو هتطلبني إني أعيش
العمر دا كله خدامك
هعيش وأفرح ونفسي أكون
أعيش العمر في حنانك
يا أجمل فرحة بيكي بكون
وعمري ما شفت في حنانك

مالي سواك حبيب

مالي سواك حبيب

مالي سواك إله

ربي أنت المَجيب

لكل من ناداك

فالنور يملؤني

فكل هذا عطاء

أعطيتني من كرمك

أحببت من يهواك

الحب يملأ روحي

لوجهك العطاء

والصدر فيه تمنني

شوقا إلي رؤياك

فهل لي من مجيب

مالي أبدا سواك

وفي الحياة من الغرور
وفي الحياة من المحن
لكن قلبي بحبك
قد ملأ نور بالأمل
وفي الصلاة قد أجد
ما يزول عني من المحن
وارتقي بحبك
يا ذا الجلال المنعم
أنا عبدك الضعيف
أنا عبدك المحتاج
أحتاج إلي رؤياك
ووجهك الوضاء
والشوق يملؤني
مالي حبيب سواك
السر منك رضاك
أسكنت قلبي هواك
وملأت عمري بحبك
مالي حبيب سواك

كيف أتينا إلي الحياة

أبكى ودمعي يسيل
من الفكر الكثير
كيف أتينا إلي الحياة
نعيش ونمضي بعدها ونسير
أتعجب من هذه الحياة
فيها الإنس والجان
أحدث نفسي عن الإنس
لأنني أنا إنسان
يتسارع البشر علي الرزق
ولكنه مقدر للإنسان
ويأكل بعضنا الآخر
وينسى أنه إنسان
فكيف الرحمة في زمن
فيه الإنس كالشيطان

وأين الحمد للرب
وأين الشكر عالإيمان
وأبكي كلما أمشي
وأري الناس في الوديان
يتهانف علي الرزق
وينسي هو من أين كان
لقد خلقنا من طين
وتغمس العين بالرمال
وبعد الموت لا يبقي
سوي العمل للإنسان
أناشد نفسي وأناشد
كل الخلق والوجدان
لكي نعيش حياتنا
للعمل ولذكر الرحمن
فليس حياتنا المال
وليس حياتنا الأطماع
فالعلم أكرم لمن أحب
وتوج من عند الرحمن

وفي العبادة سلامة
وفي العصيان خزيان
فمن أحب العبادة
صار عمرة في أمان
ونال جنة الفردوس
ونال أعظم الجنان
فحب الخالق ما أعظمه
نحس فيه الاطمئنان
وبكل خطوة نخطوها
مليئة بذكر الرحمن
ما أجمل هذه الحياة
ويكره من عصي الرحمن

سيداتى الجميلة

سيداتى الجميلة احبكي
أراكي فى مرآتى وصورتى
أراكي فى حياتى
وفى منامى حبيبتى
فأنتى فى عالم الواقع حبيبتى
وأنتى فى عالم أحلامى أنيستى
أنتى الحب النقى
الذى أحبه منذ طفولتى
فصدقينى لو قلت لكى
أنك كل دنيتى
حبيبتى محبوبتى تكلمى
اسمعينى صوتك الأعذب
أرينى وجهك الصباح
حيى أصطبح به إشراقتى

فكل ليله أراكي في صباحي
تنيري إشراقتي
صباح فيه صوت ووجه طيب
لم أجد مثله في عالمي
عالم الحب أسكن فيه منذ طفولتي
فأنت حبيبة طفولتي وشبابي وشيخوختي
لا تعجبي فالحب ليس بيدي
ولا بيدكي سيدتي
انظري حولكي فهل تجدي في هذا العالم
أحدا مثلي يحبكي
تكلمي هل تعلمي أن الحياة
بدون حبك ليست عالمي
هي كوكب فيه ظلمة
لا تري فيه عيني حتي أراكي حبيتي

حبیبتي أنتي

حبیبتي أنتي
وحبك یجري في شریانی
وصدقي قلبي
فهو يدق لأحبابي
حبیبتي أنتي
وقد ملأتني حیاتي
فمنذ طفولتي
أراكي أنتی عمري وأوقاتي
وعندما أصحو
أراكي في طريقي أمامي
وحيث ما كنت
أنتی حبیبة أوقاتي
فسلمني علي
وشارکيني أحلامي ووجداني

وكل مشاعري لكي
أنتى يا سفيرة زمني
تربعتي في قلبي
وليس لي حبيبة أشتاق
أن أري صورتها
إلا أنتى يا مليكة أشواقي
فقد توأجدت في الأماكن
ولم أشعر فيها بالأشواق
وعندما أراكي
يتغير كل كياني
أحسست بأنك الحياة
فأصبحت كل حياتي
شعرت بأنك النقاء
فاخترتك شريكة حياتي
ولن أقبل غيرك أبداً
واخترتك تاجاً لمرآتي
فحبك سكن مشاعري

وسكن في وجداني
أقبلك يا سيدتي
يا من لها اشتاق
يا من علمتني الحب
وعلمتني كيف أشواق
وعلمتني الوفاء
فزدت لها أشواق
وعلمتني الطهارة
فصليت للخلاق
فأنتى حبيتي
يا حبيبة أوقاتي
فخبريني كيف قلبي
لغير حبك يشواق

رجل من أوفي الرجال لزوجته

الأستاذ مفيد فوزي

رجل من أوفي الرجال لزوجته
فهو مفيد وهو مفيد للرجال
فقد تحدث عن زوجته أجمل الكلام
فهنيئاً لك بهذا الزوج يا آمال
فقد قال إنها ليست بزوجة فقط
بل هي كل الحياة
فلم يتذكر شهوته
ولكن تذكر أنه إنسان
فعنده من الوفاء
ما لم أجده في كثير من الرجال
ولم يقبل العيش مع امرأة غيرها
إن مفيد يحبك يا آمال
عنده من الحوار ما يعجب الأذهان
في كلامه شيء غريب ليس ككل الكلام

عندما أشاهده علي شاشة التلفاز
احترمه فهو رجل من أوفي الرجال
فبدأ وفاءه لزوجته
فهنيئاً لك بهذا الزوج يا آمال
احترمها وقدرها
في الحياة وبعد الممات
فالحب لا نسمع عنه إلا في الروايات
وعندما أسمعه أراه يقدر الحب والكلمات
لسان فصيح ومثله قليل
فهو إنسان فصيح اللسان
شديد الحوار جرى الكلام
فصيح اللسان شديد الاحترام
رجل يتعلم منه الرجال
فهنيئاً لك بهذا الزوج يا آمال

أتعجبين حبيبتي

أتعجبين حبيبتى
عندما أغضب
فحبك سكتيتى
وأغار عليكى فلم أهرب
تحملينى وسامحينى
عندما أشعر
بغيرة زائدة
بدون أن أصبر
فعلمينى وراجعينى
عندما أخطيء
فحبكى يا حبيبتى
منه لم أهرب
أغار عليكى لكنى
أثق فيكى بلا حدود
وأحبك حبا شديدا
غير حب كل الوجود
أحبك بلا مقابل

أحبك حب العباداة في السجود
أحبك بلا منازع
فلن أقبل لي منازع
يا وردة أجمل
من كل الورود
فأنتى النور في حياتي
ولن أعيش من غير نور
وأنتى عطر يملؤني
يطهرني من الذنوب
وأنتى جمال بلا حدود
وفيكي الخلق والأسلوب
عجبية في غضبكي
فبداخلة حنان ليس محدود
وعندما تضحكين
يضحك معكي كل الوجود
وعندما تبكين
أتمنى أن أكون موجود
حتى أمسح دمعكي
يا أعلي من كل الوجود
يا أسطورة أكتبها
أحبها حب الخلود

لو كان لي عدوا

لو كان لي عدوًا
فالعُدو بداري
لو كان العدو غريبًا
لتخبأت بداري
فإن كان العدو بداري
فمن يحميني من غدر الزمان
الله يحميني
ليلا ونهار
لو كان العدو غريبًا
ما ندمت وما عجبت من الأيام
لكن العدو قريب
في حضني ليلا ونهار
يخونني يحتقرني
كأي تحفة بالدار
أتخونني عجبت
لأمر الخائن الغدار

لما يخون وكيف يخون
فالخيانة طبع في الجبان
يا ويلتي لقد خانني
أمام عيني لا في الورا
لو كنت أنا خائن
لأرتاح قلبي
وما ندم قلبي
طول الزمان
لكني لا أحب الخيانة
مهما كان
ويكون نصيبي
مع خائن سجان
سجنني بخيائته
طول الزمان
فأنا السجين
وهو السجان
قد سجن مشاعري
وجعلها حجارة من جدار
حقيقة إنه خائن
ويشهد عليه الزمان

تبكي عيني

تبكي عيني من البكاء
ما أسميه الشقاء
اختيار أسود
كالليل شديد السواد
في أول لقاء
كان يتصنع الحياء
تكلم في أدب
وتمني لقاء فلقاء
وعندما امتلكني
خانني خائن كذاب
امتلكني وخانني
فتركته من حياتي إلي آخر الزمان
فأنا لست بخائنه
حتي يخونني جبان
فالخيانة تقتل صاحبها
مهما يطول الزمان

طيبة زائدة مني
جعلتك تفترس الجمال
فأنا عندي صبر وطولة بال
وعندي أن احتمل المحال
لكن عندي كرامة
تعطيني قوة واحتمال
وعندي طهارة
تجعلني أرفض العيش مع الوباء
فأخرج من حياتي إلي الأبد
هذا قرار ليس فيه رفض أو احتمال
فكان اختياري من البداية خاطئ
ابتعد عني حتي أتنفس الأشياء
أشم هواء نقيًا
خاليًا من الأوباء
وأشم وردا جميلا
خاليا من الأشواك

جرحتني آه

جرحتني آه
ظلمتني آه
راجعلي تاني لا
دا مستحيل أقبل أنا
رحت لبعيد آه
عائش وحيد آه
نفسك في حبي لا
جرب عذاب شفته أنا
روح يلا روح آه
بجرحك روح آه
نفسك في كلمة لا
خلاص خلص كلامي أنا
ابعد بعيد آه
كمان يا ريت آه
فكرك هنرجع لا
مانتا اللي بعث حبي أنا

راح من عنيك آه
النوم وسابك آه
شفت اللي شفته لا
لسة هجرح فيك أنا
عدت ليالي آه
وكمآن سنين آه
خلص الحنين لا
طب زاد في قلبك
بردة مش هرجع أنا
فات اللي فات آه
من ذكريات آه
نفسك تجيني لا
مش هتلاقيني زي منا
فاكر اللي عملته آه
واللي معاك شفته آه
عدي اللي عدي لا
عايش في ذكرياتي أنا
فاكر خيانتك آه
فاكر عميلك آه
خيانة بخيانة لا
مبحبش الخيانة أنا

أنا خدت علي بعدك

أنا خدت علي بعدك
مالآخر أنا نسيتهك
لبعدك زعلني
ولا قربك فرحني
أنا حبي في العالي
والغالي للغالي
وانته للي زيك
روح ابعده وإنساني
دالوقتي جاي تبكي
للناس عمال تشكي
منا كنت أدامك
قوللي إيه اللي جراك
دالوقتي تتمني
النظرة والكلمة

لأفوق بقة واصحا
إنتا يدوب ذكري
مبقتش تستاهل
تفكيري ما لآخر
روح عيش بعيد عني
دا قراري ما لآخر
مبقتش مستعدة أعيش مع خاين

من زمان

من زمان من زمان
وأنا بحبك من زمان
من وإنتا لسة
صغير وإحنا جيران
لما كنت أشوفك
جاي بسرعة أجري
أخاف عنيك تيجي
في عنيه تكشف سري
تكشف سر حبي
ليك بدري بدري
أول ما كنت أشوفك
جاي من بعيد
أحس إن كل عمري
ليك أكيد

فرقتنا قوللي
ليه بس الحياة
الحياة من غير وجودك
مش حياة
قوللي ليه
بتفرقينا يا أيام
كان هيجري إيه
لما أكون معاه
ويشاركني وأنا
أشاركه الحياة
ليه الدنيا يتأسى
علينا بمليون آه
مهما عيني تبكي
مش هعوض حبك
حتي وانتا بعيد عني
حبي ساكن قلبك
يا أجمل حب وأطهر حب
عمري ما هنسي حبك

ليك عليه إني أنساك

ليك عليه إني أنساك
او عي تطلب إني أهواك
أصل طلبك مستحيل
أنا عليك بمقتش أغير
يا مغرور متناش حياتي
إنتا حاجة في ذكرياتي
إنتا يدوب ماضي وعدي
إنتا ولا حاجة في حياتي
غدرك ليه مكنش هين
عمري ما شفتك يوم حنين
او عه تفكر يوم هرجعلك
قول كلام حاول تنساني
إنتا بجد بكل أمانة

ماضي عدا كله خيانة
بعد ببعء أنا هبعء خالص
أنا مش عوزاك في حياتي خالص
جرحك داس علي كل مشاعري
بس بقيت ليك مش محتاجة
جرحك ليه علم قلبي
إنك في حياتي ولا حاجة

يجيلك يوم

يجيلك يوم وتشتال
الهموم بالكوم
تقول يا ريت
ظلمت مين وهو مين
ترد عنيك
تقوللك يعني مش عارف
ظلمت حبيب
أخلصلك وانتا له خاين
تقول سامحيني
هقوللك آسفه مقدرش
تقوللى نرجع
هقول خلى السنين نرجع
أنا قصدي
إن السماح مبقاش ينفع
تقول يا ريت

هقول أسكت متكملشي

يعني خلاص

يعني خلاص مبقاش ينفع

يا كدبة كبيرة

عدي عليها سنين وسنين

وبعت الغالي

وياريتك بعته بالغالي

دا بعته رخيص

والرخيص ميلز منيش

وشفت بعيني

خيانتك ليه أدامي

أكلتها بإديك ديه

يا ريت تداري إديك عني

ولمستها أدامي عنيه

صدمة كبيرة علي سني

ابعد عنيك عن عنيه

شايقة الخيانة فيها ليه

ابعد اديك و متلمسينيش
بجد معاك محبش أعيش
يا كدبة و ماضي عدي و كان
قول للزمان ارجع يا زمان
وسعتها بردة مش هسمحك
ابعد بعيد داوي جرحك
وزي ما خنتني دا نصيبك
تخونك و تشوفها بعينك
وبعت الحب و الإخلاص
وجريت ورا واحدة متسواش
ابعد عنيك عن عينه
شايفة الخيانة فيها ليه

بعيد بعيد

بعيد بعيد ابعده بعيد
غدر وخيانة وكمان إهانة
تفرح لحزني تحزن لفرحي
سبتني لوحدي في الطريق
ورحت هناك بعيد بعيد
فيها الخيانة أبوة زيك
بجد حقيقي تستهلك
روح خون بعيد واجرح بعيد
روح لها يلا وسدأني
وهتجيلي وتنداهلي

صعبة الحياة معاك أكيد
بجد إنتا إنسان عجيب
إنتا اللي بعث حبي أكيد
نديتلك قلت وأنا مالي
لواحدة غريبة المعاني
خيانة كاملة المعاني
ماهي خاينة زيك يا أناني
صعبة الحياة معاك أكيد
هيجي اليوم وهتحتجلي
سعتها هقولك روح بعيد

أما انتہ بجد بتخرجني

أيوه بحبك ليه تسألني
حك مش كلمة عالماشي
بغمض عيني شيفاك
احسيسى كلها علشانك
أما انتہ بجد بتخرجني
هوه انتہ لسه بتستفسر
ولا انتہ بتتأل عليه
وأنا ماشي في السكة بفكر
وأما بقبلك أنا بستسلم
أما انتہ بجد بتخرجني
بعنيا مش بكلامي معاك
بعنيا بقولك أنا بهواك
بتحبنى والحب كرامة
مع إنني بحبك لكني
أما انتہ بجد بتخرجني

أما انتہ بجد بتخرجني
حك ساكن في احساسي
أما إنتہ بجد بتخرجني
بفتحها وأنا وياك
علي طول بتمني أبقى معاك
بتقوللي بحبك وبتسأل
هو أنا مش باين عليه
أما انتہ بجد بتخرجني
وأنا نيم بيك علطول بحلم
وأقول لنفسي أنا بهواك
أيوه بحبك وبقولها لك
كلام العين ألف معاني
أما انتہ بجد بتخرجني
لو أصدك تتسلي لا لا
مع حبي ليك عندي كرامة

يا نونو يا حلو يا صغير

برقيك والكل متحير
من عينهم الله أكبر
في عنيتهم ملح بيتتور
وبقول في عين كل الحاسدين
والعين ردت علي اصحابها
برقيك من وافته هو صغير
وعينهم مردودة عليهم
ودمغهم عمالة تفكر
راجل وهيي قاله مستقبل
برقيك والكل متحير
من عينهم الله أكبر

يا نونو يا حلو يا صغير
في جمالك الكل بيفكر
برقيك من كل حسادك
وبرشه هناك شمال ويمين
وكأنك كنت محسود
يا حمزة يا حلو يا صغير
في عنيتهم حصوة تكويهم
بيسوا لدمك السكر
ويقولوا صغير وهيي كبر
يا حمزة يا حلو يا صغير
في جمالك الكل بيفكر

يا للي كنتوا السبب

ليه عرفتونني بيه
مش قادرة أوصف فيه
مبقتش أغير عليه
وأنا ولا أنا هنا
نساني مين أنا
أرضاً به إزاي أنا
ليه خلتنني هنا
بعيد عن روحي أنا
علي نصيبي أنا
في ورد البستان
رمانني وداس كمان
أغرب من الأيام
لكن جرحي أنا
جوا حياتي أنا

يا للي كنتوا السبب
بجد واحد غريب
كله غدر وإهانة
يفتح ويقفل باب
بجد مستغرباه
أنا اللي كنت ملاك
بجد يا نصيب غريب
ودتني لمكان بعيد
وعنيه علطول بتبكي
كنت وردة جميلة
بدل مكان يرعاني
بجد دا نصيب غريب
أصل الحياة دروس
زايد عن كل الناس

بابا حبيبي بيضحك

بابا حبيبي بيضحك
قاللي افكرت الغالية
قاللي الغالية حماتي
طب قوللي يا بابا ليه
قاللي في مقام أمي
وتقوللي سيبها علي الله
أنا كنت داخل في يوم عندها
أتاري إيدها فيها فلوس
بتتها إللي هيه مراتي
شفتي لدرجة إيه
وجات في يوم تزورنا
شافت هدومنا كتيرة
قالت سبوها عليه
قولتلها متتعيش نفسك
قالت سيبها علي الله
الله عليك يا حماتي
بيقوا زيك يا حماتي

طب قوللي بتضحك ليه
أنا قلت الغالية مين
ببوس اديها يوماتي
بتحب حماتك ليه
أميرة وبتحمل همي
اللي خلقك وخلقني
مديت إيدي أسلم عليها
من ورا بنتها قالت خبيها
أيوه دا حصل منها
زاد احترامى لها
كانت ممتك تعبانة
مرمية في الغسالة
هغسل وأنشر باديه
علي شان صحتك يا غالية
صحتي ربنا حفظها ليه
يا ريت كل الحموات
يا أغلى الحموات

رسالة إلي كل امرأة فاضلة في مصر

لو كان جوزك خاين
او عي انتي تبقي خاينة
لو كان الراجل خاين
خليكي انتي غالية
خليكي صورة جميلة
في عين ولادك
ثانية بثانية
وسدايني في الآخر
هير جعلك وهيندم
علي كل ثانية
كان بيظلمك فيها
علشان واحدة ثانية
ولو كرهتبه من كتر خيانته
عيشي في بيتك

علشان حاجة تانية
علشان خاطر ولادك
داهمه الزهرة الغالية
او عي علشان بخونك
تفرطي فيهم تانية
وسدايني ملهمش زنب
في الخلفات الأسرية

الشاعرة سارة الجمل تعبر عن حب الوطن بتلقائية



لم يقف عدم إكمالها للتعليم الجامعي عائق أمام حلمها في أن تكون شاعرة، "سارة محمد الجمل" ابنة قرية أويش الحجر مركز المنصورة نموذج للمثابرة، حيث نشأت في بيئة مصرية بسيطة، وتمتلك موهبة شعرية تلقائية رغم أنها لم تتمكن من استكمال تعليمها الجامعي، حيث حصلت علي معهد متوسط عقب الثانوية.. قررت أخيرا أن تدون أشعارها بالعامية والفصحى، وتتناول قصائدها القضايا السياسية والاجتماعية.

التقت البوابة نيوز، بسارة لتلقى الضوء على نموذج مكافح، فابنة الـ 30 عاما حصلت على معهد متوسط عقب الثانوية العامة، حيث إنها لم تلتحق بالتعليم الجامعي لزوجها المبكر فهي أم لثلاثة أبناء،

والدها موظف بمركز الجهاز الهضمي بجامعة المنصورة، ووالدتها مدرسة فلم تعيقها ظروفها التعليمية وبيئتها الاجتماعية من السعي وراء حلمها؛ لتكتب العديد من القصائد عن الوطن وعن الأم وعن الحب الذي تعتبره إكسير الحياة.

وقالت سارة للبوابة: أنها لم تتأثر بأي من الشعراء لكنها تركت موهبتها الشعرية الفطرية تعبر عما بداخلها، وأمنيتها أن تحذو حذو الخال عبد الرحمن الأبنودي الذي اكتسب حب الملايين وشهرة كبيرة على مستوى العالم العربي بمصداقيته وتلقائيته وموهبته الفذة.

وفيما تحكى "حنان" والددة سارة إلى "البوابة" أنها منذ الصغر تعودت على الكتابة وكانت تجلب الورقة والقلم لتكتب أشعارها بعيدا عن الأسرة بالمنزل فهي بطبعها منظمة جدا.

وتسترجع حالة سارة عندما كانت تفاجئها قصيدة كانت تترك كل شيء سواء أكان واجب منزلي أو طهي أو تنظيف أو غيره وتهرع لتدون الكلمات التي تدور بعقلها قبل أن تتطاير.

فَهْرِسْتِ الْمَحْتَوَاتِ

- 3 مقدمة
- 5 بيحسسوني يا بلدي
- 6 أجمل حروف الكلام
- 9 الله عليكى يا مصر
- 11 في العصرية
- 14 مصر يا بلد الطيبين
- 18 مصر يا أمي
- 21 مصر الحبيبة
- 23 أجمل كلمة يا أمي

-
- 26 أمي الحبيبة
- 29 مالي سواك حبيب
- 31 كيف أتينا إلي الحياة
- 34 سيدتي الجميلة
- 36 حبيبي أنتي
- 39 رجل من أوفي الرجال لزوجته
- 41 أتعجبين حبيبي
- 43 لو كان لي عدوا
- 45 تبكي عيني
- 47 جرحتي آه
- 49 أنا خدت علي بعدك
- 51 من زمان
- 53 ليك عليه إنني أنساك
- 55 يجيلك يوم
-

-
- 58 بعيد بعيد
- 59 أما انتہ بجد بتخرجني
- 60 يا نونو يا حلو يا صغير
- 61 يا للي كنتوا السبب
- 62 بابا حبيبي بيضحك
- 63 رسالة إلي كل امرأة فاضلة في مصر